

永樂大典卷之一萬三千一百四十

一送

夢

夢狼啖脚

晉書索統傳。張邈嘗奉使詣州。夜夢狼啖一脚。統曰。脚肉被啖為却字。會東虜反。遂不行。

夢玉

燕入懷

魯慥類說。開元天寶遺事曰。張說母夢一玉燕自東南飛來。投入懷中。而有孕。生說。果為宰相。其至貴之祥也。

夢兔入懷

遼史地理志。應天皇后夢神人金冠素服。執兵仗。說甚手美。異獸十二隨之。中有黑兔躍入懷中。因而有

娠。遂生太宗。時黑雲覆帳。大

光。照室有聲如雷。諸部異之。

夢鸚鵡折翅

太平廣記。唐則天

毛甚偉。兩翅俱折。以問宰臣。群公默然。內史狄仁傑曰。鸚者陛下姓也。兩

翅折者。陛下二子廬陵相王也。陛下起此二子。兩翅全也。武承嗣武三思

連項皆赤。後契丹圍幽州。檄朝廷曰。還我廬陵相王來。則天乃憶狄公之言

曰。卿當為我占夢。今乃應矣。朕欲立太子。何者為得。仁傑曰。陛下內有賢

子。外有賢姪。取捨詳擇。斷在聖衷。則天曰。我自有聖子。承嗣三思是何疥癬。承嗣等懼掩耳而走。即降敕追虜陵立為太子。充元帥。初募兵。無有應者。聞太子行。北邨山頭皆兵。滿無容人處。賊自退散。

### 夢射鴈

洛陽伽藍記。後魏元愼善解夢。建義初。陽城太守薛令伯聞太

原王誅百官立莊帝。棄郡東走。愼夢射得鴈。以問元愼。元愼曰。卿執羔大夫執鴈。當得大夫職。俄然令伯除為諫議大夫。

### 夢鴈飛

### 下

祕閣閑談。負外郎趙化成。嘗夢與友人張某坐庭中。忽有一鴈自天而下。徘徊庭中共掩得之。明日詣張言之。方坐庭中。果有一鴈下於

庭際。因共逐而得之。相與驚駭。乃以帛為詩繫其足放去。又有人夜夢所持繖柄折。明日果折。夢得一狐。翌日果有人送一狐。此寂微事。而猶有前

定如此猖狂之士。視此可無妄動。

### 夢千鷄飛翔

茅氏聞見錄。羅顏言。新安郡士人夢鷄數百千隻飛翔庭

中。時方應舉。疑非冲鵬之物。以告所善者。或世謂鷄為五德。今若是其多者。千得萬得也。可為君賀。士果登科。

### 夢鷄求生

太平廣記。衛錫為縣官。下鄉至里人王幸在家。乃假寤。夢一烏衣婦人引十數小兒着黃衣。咸言乞命。叩頭再三。斯須又至。錫甚惡其事。遂催欲前

適錫所親者報曰。王幸在家窮無物設饌。有一鷄見抱兒已得十餘日。將欲殺之。錫乃悞為衣婦人果為鷄也。遂命解放。是夕復夢感謝欣然而去。

# 夢鵝噉經

太平廣記吳興太守琅邪王襲之不信佛。唯事宰殺。初為晉西省郎中。於內省前養一雙鵝甚愛之。夜忽

夢鵝口噉一卷可十紙許。取看皆說罪福之事。明旦果見乃是佛經。因遂不敢殺。

# 夢鵝求生

太平廣記汝南周氏

子吳郡人也。亡其名。家于崑山縣。元和中。以明經上第。調遷得尉崑山。既之官。未至邑數十里。舍於逆旅中。夢一大夫衣白衣儀狀甚秀。而血濡衣襟。若傷共臆者。既拜而泣。謂周生曰。吾家於林泉者也。以不高塵俗。故得安其所有年矣。今以偶行田野。不幸值君之家。僅有繫吾者。吾本逸人也。既為所繫。心甚不樂。又縱狂犬噬吾頸。不勝其憤。願君憫而寬之。不然則死在朝夕矣。周生曰。謹受教。不敢忘。言訖忽寤。心竊異之。明日至其家。是夕又夢白衣人來曰。吾前以事訴君。幸君怜而諾之。然尚為所繫。願君不易仁人之心。疾為我解其縛。使不為君家囚章矣。周即問曰。然則不知名氏可得聞乎。其人曰。我鳥也。言已遂去。又明日。周生乃以夢語家僮。且以事訊之。乃家人適野遂獲一鵝。乃籠歸。前夕有大傷其臆。周生即命放之。

是夕又夢白衣人辭謝而去。

# 夢鴨求生

太平廣記。栢邀為汝南郡人。齋四鳥鴨作禮。大兒夢四鳥衣請命。覺忽見

鴨將殺遂救之。買肉以代。遂夢四人來謝而去。

# 夢鴨生

李昌齡樂善錄。吾友趙叔田族婦楊氏者。嘗字數十鴨。子久未破殼。

楊浴以水。是夕夢鼓吹喧闐。金石間作。有一冠帔婦人。押引數十人至其家。人人戴花盛飾。口吹頭管。及門。其冠帔者乃載一半。留外與一半同入。

旅坐階除。索食喧噪。方嘈雜間。楊忽驚寤。因謂其子曰。吾夢如此。豈吾家

鴨子將生。所以戴花盛飾者。必花鴨也。在外一半。抑隣家亦有將生者乎。

黎明驗之。皆然。嗚呼。世人用心散亂。而與物流轉者多矣。蓋華名鍾乎心

胸。榮味交乎外視。平生本自隨波逐流。莫具正見。自無臨終數呼吸頃。乃

能定而不亂者。意其戴花盛飾時。豈不人人自以為樂。安知自此一樂遂

失身為鴨也哉。當知世事浮假。都不足道。獨吾一念不可不嚴設戒律。以

攝制之。使之一歸于正。古先聖人所以教人攝心正念。必欲使魂魄澄正者。正謂此也。

夢烏飛墮地。西

雞。組中宗嘗夢曰。一口白鳥飛。蝙蝠數十逐而墮。

地。驚覺。召萬回僧曰。大家即是上天時。翌日而崩。夢鳥集戶內。

古今事通直館陳靖漳泉人游京師過期不歸妻夢一鳥集戶內祝曰吾夫若歸當集梁上鳥如言集梁上明日以告家人少頃有鳥飛至戶內祝之亦飛集梁上

宋幾靖至

### 夢神命懷卯

玉融新對拾遺記曰商之始有神女簡狄遊於桑野見黑鳥遺卵有

五色文作八百字簡狄拾之貯以玉筐覆以朱紱夜夢神母謂曰爾懷此卵即生聖子以繼金德秋乃懷卵一年而有娠經十四月而生契祚以八

百協卵

### 夢鳥入口

晉書羅含傳含字君章幼孤為叔母朱氏所養少有志尚嘗晝卧夢一鳥文彩異常飛入

口中因起驚說之朱氏曰鳥有文彩汝後必有文章含自此後藻思日新

### 夢五彩鳥

朝野僉載張鷟嘗夢一大鳥

色五彩成文飛下至庭前不去以告祖父云此吉祥也昔蔡衡云鳳之類有五其色赤文章者鳳也青者鸞也黃者鸕鷀也白者鴻鵠也紫者鸞鷟也

此鳥為鳳凰之佐汝當為帝輔也遂以為名字焉

### 夢為魚化鳥

南史梁忠烈世子方等傳吾嘗夢為魚因

化為鳥方其夢也何樂如之及其覺也何

憂斯類良由吾之不及魚鳥者遠矣

### 夢為鵲

鵲氏間見錄歐陽公

嘗夢為鸚鵡。初夏清曉，飛鳴綠陰中甚樂。

### 夢瓦化鴛鴦

續後漢書周宣傳：曾丕問宣曰：吾夢殿屋兩瓦

墮地化為鴛鴦。此何謂也？宣對曰：後宮必有暴死者。丕曰：吾詐卿爾。宣對曰：夫夢者，意爾。苟以形言，便占吉凶。言未畢，黃門令奏宮人相殺無幾死。

### 夢天殺蛇

張華博物志：晉文公出，大蛇當道如拱。文公反自修德，使吏守蛇。夢天殺蛇曰：何故當聖君道？覺而視蛇

則自死也。

### 夢黃蛇

蘇子由古史秦本紀：文公十年，文公夢黃蛇自天下屬地，其口止於廊下，以問史敦曰：此上帝之微，君其

### 之夢蛇相驚

張師正括異志：高密姜定國，業九經。一夕寢于家塾，夢二人身長而貌狠，怒氣勃勃，然謂定國曰：吾

身長丈八，可殺汝。可嗤汝。定國驚魔號呼拒之而退。明夜復夢如初，大懼乃徙其寢具與門下客同榻，客取刀斷之。少頃一蛇復至，客又殺之。明日

度二蛇果長三尋，定國後登九經第。今為幕職官，聞之告推官仲容。

### 夢捕蛇

能改齊漫錄：陳侍郎元興為進士，貧不為士流

比數。嘉祐七年，忽預鄉薦，可糧於村豪至一叟家，為陳設酒食留宿。夜夢忽捕一蛇，蛇走入牆孔中，陳持而拽之，盡力而蛇斷得其半而已。天明叟

出而神氣不悅。陳甚憂無所覩也。俄而出錢五百投陳。陳受之。喜過所望。史今家僅脩馬送陳三十里。僮告陳曰。秀才乃福人。吾翁素不待客。亦不以錢覩人。今偶夢官人過門而秀才適至。故懼快如此。然本欲以千錢相遺。而大男殊新至于挽奪推我。翁得其半而已。此所以送秀才而神色不悅也。陳次年登甲科第二人。

### 夢蛇繞身

晉書唐琮夢蛇繞身。遂效其形而作草蛇之書。

### 夢蛇入

### 腹

續蒙求范延光。相州人。為天雄軍節度使。嘗夢大蛇自臍入腹。半入而掣去之。以問術士張生。張生贊曰。蛇龍類也。龍入腹中。王者之兆也。由是頗畜異志。晉高祖天福二年六月反。三年九月降。冊封

東平郡王。天平軍節度使。賜鐵券。居數月。奉朝致仕。居京師。

### 夢蛇

### 生足

續後漢書周宣傳。東平劉禰夢蛇生四足。穴居門中。使宣占之。宣曰。此為國夢。非君家事也。當殺女子而作賊者。頌之女賊鄭

姜遂夷討。以蛇女子之祥足非蛇之所宜故也。

### 夢雙蛇升天

太平御覽李蜀書。武帝諱雄。始祖第三子。始祖

后方娠。夢雙蛇自門升天。一蛇中斷。及生后常言二子若成人。必有先亡者。有大貴者。後果李蕩早卒。李雄王蜀。

### 夢蛇取

命

太平廣記吳郡海鹽縣有士人陳甲寓居華亭獵於東野見大蛇形如百斛船玄黃五色卧岡下即射殺之不敢說三年後與鄉人共獵

至故見蛇處語同行曰昔在此殺大蛇其夜夢見一人烏衣黑幘問曰我昔昏醉汝無狀殺我吾醉不識汝面三年不相知今來就死其人驚覺明

旦腹痛

而卒夢羣蛇緣城

南史始安王遙光傳遙光未敗之夕城內皆夢群蛇緣城四出各共說之咸以

為異臺軍入城

焚屋宇且盡

夢黃巢化蛇

青鎖高議秦宗權方為府吏一日晝寢夢中見一朱衣吏手持

黃紙書謂秦宗權曰府君乃召足下宗權曰府君何人也公所執何書也可一見乎吏曰府君召子他不知也書不可得而見也宗權視遠山中隱

然天氣昏慘迺野四顧無人宗權不勝嘆息乃至一城四面絕無居人入城有公府相對直北有大門門有大殿吏前報曰宗權至矣乃軸簾有

紫衣人據案稱王宗權立砌下王顧左右曰取黃巢果少頃有枷械者一

人持勒撲者數人從之宗權視枷械者形体骨文皆黑不類人色王曰汝伏乎枷械者對曰賤書生勢力寡獨安敢與唐室為患王怒命左右取鐵九來一鬼持一鼎致庭下鼎中火自燃鼎中銅汁沸溢吏乃取鐵丸內鼎



中。凡即紅若烈火。王命以丸內枷者口中。枷者乃通頂焰發不覺聲。竈  
止。王曰。伏未。枷者曰。巢不敢。王又以丸吞之。如是數四。枷者未伏。王乃問  
宗權曰。汝當與唐室為患可乎。宗權曰。宗權一衙吏爾。且安敢如此。王命  
執手坐。取藏丸內宗權口中。其痛苦焚熱油沃心。宗權大叫連呼來字三  
聲。王顧謂左右曰。彼已伏。天子安能久受此苦。王又命左右取丸。枷者曰。  
巢已伏矣。王命吏取案來。二吏挾案掩其前。令枷者書。及令宗權書。書已。  
則二吏復挾去。王命取蛇皮來。二吏持一巨蛇皮蒙枷者。俄而化為巨蛇。  
長百尺。黃鱗炬目。金頸赤舌。蛇首四顧。精神怨人。俄有一吏持雙角來。安  
蛇之首。王遽叱吏曰。此豈可安角也。王命驗天符有安角之言乎。忽有一  
青衣童出。東戶曰。天符不令安角。童升殿。語王曰。此非雲雨之主。何可使  
之有角。則禍愈大。王命將蛇食料生口。姓名來兩廡下。戶盡開。青衣童抱  
文卷皆合。抱擲於地。蛇先吞東南文卷。次第而至。蛇因首向西。蛇將食其  
卷。一童子則將鏡照其蛇。蛇抵牾不敢吞其卷。王曰。宗權亦合皮化。命取  
豹皮來。一吏以豹皮蒙宗權首。乃化為豹。一童子升殿。王曰。宗權合居何  
地。童曰。合居陳許之間。童曰。祇在平地。王曰。何也。童曰。豹居山則可以抗  
虎。平地不能敵猪。王曰。事畢矣。乃命吏送宗權出門。為吏推墮溝中。乃覺。

宗權驚駭莫知其休咎。後宗權謀叛。為朱高祖擒獻天子。朱高祖年甲屬猪。又猪朱也。不能敵猪。此其驗乎。宗權所見枷械者。乃黃巢也。唐末童謡云。黃蛇獨吼。天下人走。不能吞西廡之文卷。天下皆被其屠毒焉。獨不至西蜀。宗權之夢。一何異哉。

### 夢赤蛇吐珠

能改齊漫錄。東莞縣資福禪院有阿羅漢閣。傳言僧祖堂者之所成也。求碑於東坡。諾之心。欲以犀帶所易得者佛腦骨。骨出舍利。薦以白玉。壁弛之而未言也。祖堂歸累月。一夕夢赤蛇吐珠白壁上。驚悟曰。蘇公之文且成矣。即往逮之。且告以夢坡大喜。出腦骨舍利。辟示之。祖堂因請歸作金銀琉璃罩。堵坡藏閣上。遂併付之。仍別作舍利塔銘文。

### 夢蛇附舟

武林紀事。循理陳權叔懋立。嘗館湖州之德清。

見航船之平江者。云夢一人衣皂。云有錢三百文。欲附舟之姑蘇。幸見容。初不敢多占船倉。只附舟首足矣。梢人次晚將發。船於舟首取纜。縛之。屬忽見一大烏蛇。盤屈小倉內。梢人方省夜來之夢。因以版覆之。載之平江抵岸。即於市人訪得。一弄人欣然來取去。償以三鍰。畢符夢中語。夢

### 魚求去鈎

辛氏三秦記。昆明池漢武停船池。立之習水戰也。中有靈沼神池。云堯時治水訖。停船池。通白鹿源人釣魚。

於此。綸絕而去。夢於漢武。求去其鉤。明日帝戲於池。見大魚嚼索。帝曰。豈非昔時所夢也。取而去其鉤。放之。

**夢捕魚**

熊

齊漫錄。建昌軍南城許公岳。未第時。夢至池上。顧池中有七魚。而一魚最巨。公岳下捕之。志欲取巨者。然捉搦不得。止得六魚。中一最小者。是歲科

舉建昌解額止七人。公岳名次第七。此最小魚夢驗也。

**夢魚化人**

晉書載。記劉元海母呼延氏。祈子於龍門。俄而

有一大魚。頂有二角。至祭所。久之乃去。巫覡皆異之。曰。此嘉祥也。其夜夢旦所見。魚變為人。手執一物。大如半鷄子。光景非常。授呼延氏曰。此是日精。服之生貴子。寤而告其夫。豹豹曰。吉徵也。昔吾從邯鄲張岡母相云。吾當有貴子孫。三世必大昌。彷彿相符矣。自是十三月而生元海。左手又有

其名。遂

**夢魚躍盆**

宋史列傳。胡憲字明仲。安國弟之子也。寅將生。弟婦以多男欲不舉。安國妻夢大魚躍盆

水中。急往取。而

**夢魚食蒲**

晉書載。記符生初夢大魚食蒲。又長子之後。果擢第。安謠曰。東海大魚化為龍。男便為王。

女為公。問在何所。洛門東。東海符堅封也。時為龍驤將軍。第在洛門之東。生不知是堅。以謠夢之。故誅其侍中。大師錄尚書事。魚遵及其七子十孫。

# 夢白魚求救

茅亭客話偽蜀舉人張說往嘉州謁平羌令船次平羌縣下夜泊忽夢二人白衣華煥於說前

求救說覺唯聞船棧下跳躑之聲不已視之乃二鯉魚焉遂取棄于江中既而就寢復夢二白衣持大蒜數頭懇謝而去遲明因以夢告平羌令

曰君之夢祥符也放魚所感錄者筭也當延君筭爾說至晚年著後隱書三卷亦紀夢魚之事壽七十八

# 夢與魚遊

三境園論陰司錄云有一顯官作池畜魚以供膳一日忽夢倚欄觀魚失脚池中與眾魚遊數日之久庖人網去刮鱗破肚苦痛號叫言是汝主庖終不聽乃斷魚首官乃醒寤睡未數刻即問庖人侍書回報治魚未畢蓋其念念池魚之羹隨念感夢

# 夢身為魚

酉陽雜俎越州有盧冊者舉秀才家貧未及入京在山陰縣顧頭村知堰與表兄韓確同居自幼嗜鱸膏憑吏求魚韓方寢夢身為魚在潭有相忘之樂見二漁人乘舫張網不覺身入網被取擲桶中覆之以葦復覩所憑吏就潭商價吏即揭摠實綆楚痛殆不可忍及至舍歷認妻子婢僕有頃寢寢斯之苦若脫膚首落方覺神疲良久盧驚問之且述所夢遽呼吏訪所市魚處泊漁子形狀與夢不差韓後入釋住祇園寺時開成二年也

# 夢魚噉兒

太平廣記唐河東柳沂者居洛陽因乘春釣伊水得

啄哺其兒臆乃視嬰兒之臆果有瘡而血沂益懼明旦以魚求投伊水中且命僧諷經畫像僅旬餘嬰兒瘡愈沂自是後不復釣魚

夢

# 魚索眼

曾慥類說僧乘果夢一使者押青衣婦人問果索眼聲氣頗厲使人將出刀先斷果左右手果曰願以左手易之使

人問左右何意果曰方近受戒留右手搭袈裟使人曰更不用斷手師一言搭袈裟已還詣叱婦人令去又曰此婦人魚也師前身為王家兒六七歲家人買得此魚尚鮮活師以手剗取其眼故令索索

# 夢魚求生

太平廣記柳宗元刺史河東人嘗自省郎出為

永州司馬途至荆門舍驛亭中是夕夢一婦人衣黃衣再拜而泣曰某家楚水者也今不幸死朝夕非君不能活之懷獲其生不獨戴恩而已兼能假君祿益君為將為相且無難矣幸明君子一圖焉公謝而許之既寤照自異之又夢婦人且祈且謝久而方去明晨有吏來稱荆帥命將宴宗元宗元既命駕以天色尚早因假寐焉既而又夢婦人頓然其容憂惶不暇顧謂宗元曰某之命今若縶之懸其風危危將斷且飄矣而君不能念其

事之急耶。即僂而念曰。豈郡之吏有不平於人者耶。抑將妄者以魚為我膳耶。即令駕詣郡宴。既而以語荊帥。且召吏訊之。吏曰。前一日漁人網獲一巨黃鱗魚。將為膳。今以斷其首。宗元驚曰。果其夕之夢。遂命繫而投之江中。是夕夢婦人來亡其首。宗元益異之。酉陽雜俎。唐會昌中有王璠者。在恒州都押衙。嘗為樂邑宰。將赴所任。夜夢一人身掇甲冑形貌堂堂。自云馮夷之宗。將之海岸。忽罹網罟。為漳川漁父之所得。將置諸刀杙。充膳於宰君。命在詰朝。故來相告。倘垂救宥。必厚報之。璠既覺。言於左右曰。此必縣吏相迎。捕魚為饌。急遣人至縣。庖人果欲割鮮理鱸。具以璠命告之。遂投於水中。魚即鼓鬣揚鬚。軒軒而去。是夜又夢前人泣以相感云。免其五鼎之烹。獲返三江之浪。有以知長官之仁。比宗元之惠遠矣。因長跪而去。建昌府志。吳文肅公夫人魏氏。在太原府一日。睡起語左右曰。適來夢中分明見兩婦人。比皆青衣。各有娠。哀鳴泣訴云。某等無罪。乞贖其命。未幾庖者白云。買道大青魚。兩頭請烹。餽之宜。夫人驚曰。庶幾是乎。遽取視之。腹大有子。乃令放之。**夢殺龜**。鼎田但異志。饒州客金日新。販磁器往荆南。泊舟於江口。鴈汊。夾金謁鄰舟。押綱將軍陳從易。金謂陳曰。夜來夢見岸上數十人走問之曰。看殺龜。相公及舟行十五里。

船師招早飯見岸上數十人走金問之則曰看殺龜金曰夜來之夢兆矣相率同往觀焉果見漁人網得一龜金以千錢易之將歸本船放之于水龜隨行十餘里口噴一物上岸直抵金前吐之而去金視乃銀一錠金祝曰銀固不可奉松俟前至岳州太平寺請僧智聰為水陸謝之張師正括異志河自大伾而下多泛溢之患岸有決圯則以薪蒿窒塞補薄增卑謂之埽岸每一二十里則命使者巡視凡一埽岸必有薪蒿竹捷椿木之類數十百萬以修決溢始臣受命皆軍令約束熙寧九年大名府元成縣一監埽使臣所主埽岸有大龜屢來嚙岸之薪蒿似將穴焉遂發弩射之中首而死是夜夢一綠衣劍首謂監埽曰汝殺我已訴於官矣又日餘病疽死見二使者執之而去曰汝嘗殺人監埽竊思之曰此必殺龜也行僅百里入一城使者曰吾有事當先白所由司汝始止此無他適二使既出仰視高閣金碧相照有二神人守閣如道士觀所謂龍虎君者以姓名白之乃引入仰視其閣有榜題曰朝元之閣下見韓侍中推几而坐侍者數十人若神僊儀衛乃再拜訖韓問來狀遂白殺龜事因曰隄岸有決當受軍令之責非徒殺也韓曰汝亦何罪僕見陰官但乞檢上清格既出門見二使者至遂引到一官府庭下果詰以殺龜事對曰某主埽岸河湏奔

猛漲溢不常。苟有決潰則當誅。龜敗吾防不可不殺。乞檢上清格。陰官取格視訖。謂曰。上清格云。無益於世。有殺於人。殺而不償。罪故難加。陰官命

前使者引出。行十餘里。若墮簪井。遂寤。事關之。別大卿。夢驚。謂云。夢驚求生。太平廣記。晉太常卿崔悅遊學時。往

至姑家。與諸表昆季宿于學院。某晨方會客。夜夢十九人皆衣青綠。具告求生。詞旨哀切。崔曰。某方閑居。非有公府之事也。何以相告。咸曰。公但許

諾。某輩獲全矣。崔曰。苟有階緣。固不惜奉救也。咸喜躍列拜而退。既寤。豐櫛束帶至堂省姑。見缶中有水而泛蠶焉。數之大小凡十九。計其衣色亦

畧同也。遂告於姑。且述所夢。再拜請之。亦不阻。即命僕夫寘于器中。躬詣水次放之。又偽蜀豐資院使李延福。晝寢公廳。夢烏帽三十人伏於階

下。但云。乞命驚覺。僕使報門外有村人獻蠶三十頭。用悟所夢。遂放之。夷聖志潘元寧者。青田木溪鄉人。好賓客。嗜食蠶。凡溪潭之側。擲捕有得。必

售之。紹熙三年春。漁者持一巨蠶。來其重六斤。潘見而喜。即欲烹食。妻曰。今日上七不應食此。姑留之以俟。明旦可也。諸子以繩絆其足。牽曳為戲。

抵暮墮溝中。失所在。經月餘。妻夢一偉丈夫泣告曰。向者將膏鼎。獲賴娘子一言勸止。且得苟延而不幸落溝渠內。為蟲蛆啣嚼。一足幾斷。與死為



鄰。願賜終惠。以語潘。潘笑曰。恍惚之夢。何足信。凌晨起。思之。正見前黿。跋曳于泥中。取之。出使僕放諸河。夫婦皆夢來謝。江少虞類苑。李景初自蜀浮江而下。至荊湖間。家下市一巨黿。而景初未知也。夜中夢皂衣姪來告。乞命。恠問家人。家人曰。此必所買黿也。即遣放之。亦復夢皂衣姪來謝。然則太史記宋元事。若有之矣。古者君子遠庖厨。聞其聲不忍食其肉。雖有天地間生。此所以養人。但不可暴天物可也。

### 夢蚊螭

### 求謁

夷堅志曹州定陶縣之北有陂澤。民居其傍者多采螺蚌魚鱉之屬。鬻以贍生。虜亮正隆二年中春。女真人阿失里為邑宰。夢

一客。綬袍烏幘。皂韉。革帶。握手板入謁曰。吾種族世居治下。子孫蕃衍。皆獲依仁。茲不幸為細民捕殺充食。且又轉售於人。將使無噍類。願賢令尹慈憐。少加禁止。則恩流無窮。當思所報。安里夢中諾之。而不暇究其何物。居於何所。旦起深念。不能曉測。明夜復夢。遍詢士吏。及訪道術人。酌詳亦莫知所謂。迨春暮天清氣暄。澤邊人相率什百為群。脫入水。水網箕羅取數倍。常曰。忽墮霧迷空。波涌如山。雷聲振動。一巨物長六七丈。狀若蛟螭。噴薄雲烟。堆壞岸泚。冷氣慘烈。逼人皆捨棄所獲。爭赴平地。已為巨物攫拏者十二三。溺死者殆半。衆悟邑宰之夢。自是無復敢漁。

### 夢